

\*\*\*\*\*

- 1★ وزیر اعظم نریندرمو دی نے کہیو ہے جے جموں کشمیر نانہہ دہشت گردی تیں پاک بنا دتو جا ئے گو اور خاندانی سیا ست نے پچھلا کئی بہراں مانہہ جموں کشمیر نانہہ تباہ کیو ہے۔
- 2★ وزیر اعظم نے کہیو ہے جے اسمبلی انتخابات جموں کشمیر غا لوکاں غا مستقبل غو فیصلو کریں گا۔
- 3★ سلامتی دستاں نے با ریمولہ مانہہ 3 دہشت گرداں نانہہ ہلاک کر دتو ہے اور کشتواڑ غا چھاترو علاقہ مانہہ دہشت گرداں نانہہ ما ر مکان واسطے کا روائی جا ری ہے۔
- 4★ تے 45 ویں فا ئیڈ چیس اولمپیڈ مانہہ بھارتی کالسریاں غی چیس ٹیم نے سویز ر لینڈ نانہہ برادتو ہے۔

\*\*\*\*\*

### PM Doda Rally

وزیر اعظم نریندرمو دی نے کہیو ہے جے دہشت گردی جموں کشمیر مانہہ اپنا آخری ساہ لے رہی ہے۔ اور اُنہاں نے عزم کیو جے جموں کشمیر نانہہ دہشت گردی تیں پاک کر دتو جا ئے گو۔ آکاشوانی جموں گا نمائندہ غی رپورٹ غے مطابق وزیر اعظم نریندرمودی نے اج ڈوڈہ مانہہ بڑی چناوی ریلی سنگ خطاب کرتاں واں کہیو جے دہشت گرد نس رپیا ہیں اور نیشنل کا نفرنس، کانگریس اور پیپلز ڈیموکریٹک پارٹی اپنا مفاد غی خاطر جموں کشمیر نانہہ تباہ کر رہی ہیں۔ اُنہاں نے کہیو جے مہا ری حکومت نے اس خوبصورت خطہ نانہہ تباہ کرن آلی کاندانی سیا ست نانہہ کمزور کرن واسطے نوجوان قیادت میدان مانہہ لیائی ہے۔ وزیر اعظم نریندرمو دی نے اپنا خیالات غو اظہار کرتاں واں اس طرح کہیو۔۔۔ با ٹ۔۔۔

\*\*\*\*\*

### PM Youth

وزیر اعظم اور بی جے پی غا سینئر رہنما نریندرمو دی نے جموں کشمیر مانہہ مثبت تبدیلی نانہہ اپنی حکومت سنگ جوڑتاں واں مرکزی حکومت غا جموں کشمیر نانہہ خوشحال خطو بنان غو عزم دُبرایو۔ آکاشوانی جموں غا نمائندہ غی رپورٹ غے مطابق وزیر اعظم نریندرمو دی نے ڈوڈہ، کشتواڑ اور رام بن ضلعان غی 8 اسمبلی نشستیاں ور کھلا بی جے پی غا اُمید واراں گا حق مانہہ چناوی ریلی سنگ خطاب کرتاں واں جموں کشمیر مانہہ تبدیلی لیان غا سلسلہ مانہہ مقامی لوکاں غی تعریف کی۔ وزیر اعظم نریندرمو دی نے کہیو جے جموں کشمیر غا اسمبلی چناؤ ات گا لوکاں گا مستقبل غو فیصلو کریں گا۔ وزیر اعظم نے اپنا خیالات غو اظہار کرتاں واں اس طرح کہیو۔۔۔ با ٹ۔۔۔

\*\*\*\*\*

### NC Reaction

سابقہ وزیر اعلیٰ اور نیشنل کانگریس غا نائب صدر عمر عبداللہ نے وزیر اعظم نریندرمودی غی طرفوں علاقائی سیاسی جماعتاں ور جموں کشمیر نانہہ تباہ کرن گا الزام نانہہ مسترد کر دتو ہے۔ وزیر اعظم گا الزامات ور رد عمل دیتاں واں عمر عبداللہ نے کہیو جے جس ویلے بی جے پی نانہہ پی ڈی پی اور نیشنل کانگریس غی مدد غی ضرورت وے اُس ویلے اُنہاں نانہہ کیوں

یاد نہیں رہتو جے علاقائی سیا سی جماعت جموں کشمیر نانہہ تباہ کر رہی ہیں۔ اس با رے خیالات غو اظہا رکرتاں واں عمر عبداللہ نے اس طرح کہیو۔۔۔ با ٹ۔۔

\*\*\*\*\*

### Mehbooba Reaction

وزیر اعظم نریندرمو دی غی طرفوں عائد الزامات غے چلتیں جس مانہہ اُنہاں نے کہیو ہے جے پی ڈی پی تے نیشنل کا نفرنس نے جموں کشمیر نانہہ پچھلا کئی سالان مانہہ تباہ کیو ہے۔ سابقہ وزیر اعلیٰ تے پی ڈی پی صدر محبوبہ مفتی نے نیشنل کا نفرنس ور نشانو ساداتاں واں کہیو جے نیشنل کا نفرنس بھارتیہ جنتا پا رٹی گا پیراں ور پیر ترے۔ محبوبہ مفتی نے اس دوران ذرائع ابلاغ نال گل کرتاں واں اس طرح کہیو۔۔۔ با ٹ۔۔

\*\*\*\*\*

### Congress

کانگریس نے اج مرکزی حکومت ور جموں کشمیر مانہہ دہشت گردانہ حملان نانہہ روکن مانہہ ناکام رہن غو الزام لایو ہے اور یوہ داعوؤ کیو ہے جے جموں کشمیر یوٹی جت کئی سال پہلاں دہشت گردی مانہہ کمی آگئی تھی۔ اُت دوبا رہ تیں دہشت گردی مضبوطی نال واپس آرہی ہے۔ سرینگر مانہہ اک پریس کا نفرنس سنگ خطاب کرتاں واں کا نگریس پا رٹی غی ترجمان سُپریا شری نیتے نے کہیو جے وزیر اعظم نریندرمو دی غی طرفوں تیجی وار وزارتِ اعظمیٰ غو عہدو سنبھالان تیں بعد 98 دنان مانہہ جموں کشمیر مانہہ 25 دہشت گردانہ حملہ ہوا ہیں۔ اُنہاں نے کہیو جے بڑا دعویٰ کیا گیا تھا جے اگست 2019 تیں بعد جموں کشمیر مانہہ امن قائم ہو جا ئے گو لیکن وزیر اعظم مودی غا حلف چان تیں بعد 98 دنان مانہہ جموں کشمیر مانہہ 25 دہشت گردانہ حملہ ہوا ہیں جن مانہہ 21 سلامتی اہلکار شہید اور کئی دوجا زخمی ہوا ہیں۔

\*\*\*\*\*

### India Diwas

وزیر اعظم نریندرمو دی، وزیر داخلہ امت شاہ تے وزیر دفاع راجناتھ سنگھ نے مُلک غا تمام شہریاں نانہہ بندی تہاڑو غی مبارک باد پیش کی ہے۔ سماجی میڈیا ور اک ویڈیو پیغام جا ری کر غے وزیر اعظم نریندرمو دی نے بندی زبان غی اہمیت اُجاگر کی۔ اسے طرح اک ویڈیو پیغام مانہہ وزیر داخلہ نے اس سال بندی دیوس با رے خیالات غو اظہا رکیو۔ واضح رہ جے آئین ساز اسمبلی نے 14 ستمبر 1949 نانہہ بندی زبان نانہہ سرکاری زبان غو درجو دتو تھو۔ وزیر داخلہ امت شاہ نے کہیو ہے جے بندی دیوس نے 75 سال مکمل کیا ہیں اور اس سنگِ میل نال بندی سرکاری زبان غی حیثیت نال ڈائمنڈ جُبلی غا طور ور منایو جا رہیو ہے۔

\*\*\*\*\*

### Encounter

جموں کشمیر غا کشتواڑ تے با رہمولہ ضلعان غے اندر 2 بکھ بکھ تصادم غے دوران حفاظتی دستاں نے 3 دہشت گردان نانہہ ہلاک کر دتو ہے۔ جدکہ اس دوران فوج گا 2 جوان وی شہیدا ہوا ہیں۔ شمالی کشمیر غا ضلع با رہمولہ مانہہ اج سویرے کریری تصادم غے دوران 3 بے پشانو دہشت گرد ما ریا گیا ہیں۔ اس با رے گل کرتاں واں پولیس افسر نے جانکاری دتی ہے جے کریری علاقہ غی اک بستی چاکِ ٹپر مانہہ حفاظتی فوج تے دہشت گردان غے درمیان تصادم شروع ہوؤ تھو۔ جس مانہہ ان دہشت گردان نانہہ ہلاک کیو گیو ہے۔ اس توں پہلا جموں صوبہ گا کشتواڑ

ضلع غا چھاترو علا قہ مانہہ اک تصادم مانہہ 2 فوجی جوان شہید ہو گیا تھا۔ جد کہ 2 ہو ر جوان گذشتہ شام اک گہیرہ بندی تے تلاشی کا روائی غے دوران زخمی ہوا ہیں۔

\*\*\*\*\*

#### Kishtwar

ضلع انتظامیہ کشتواڑ نے اسمبلی حلقہ اندروال گا مڑواہ تے واڑون دور دراز علاقوں واسطے پہلا مرحلہ غی پولینگ غی کا طر 33 پولینگ پا رٹیاں ور مشتمل پولینگ عملو ضلع بیڈ کوارٹر تیں روانہ کر دتو ہے۔ جس مانہہ ملازمین، پولیس اہلکار اور سی آر پی ایف غا جوان شامل ہیں۔ کشتواڑ ضلع گا اندروال، کشتواڑ، پاڈرنا گسینی اسمبلی حلقوں مانہہ پہلا مرحلہ غے تحت 18 ستمبر نانہہ ووٹ کہلیا جا ئیں گا۔ آکاشوانی غا ضلع نمائندہ کشتواڑ کیلاش ناتھ سنگ اس با رے گل کرتاں واں ضلع چناؤ افسر کشتواڑ راجیش کمار شون نے اس طرح کہیو۔۔ با ٹ۔۔

\*\*\*\*\*

#### RNU's Special Programmes

آکاشوانی جموں غا علاقائی خیراں گا یونٹ غی طرفوں جموں کشمیر مانہہ 18 ستمبر 2024 نانہہ 3 مرحلہ غے تحت ہون آلا اسمبلی چناواں غے پیش نظر جموں صوبہ غا 10 ضلعوں غا پرو فائل پروگراموں غی نشریات غو سلسلو شروع کیو ہے۔ ہن ریجنل نیوز یونٹ آکاشوانی جموں نے 12 ستمبر تیں 15 منٹاں غا خصوصی پروگراموں غی نشریات کی ہیں اور ان 10 خصوصی پروگراموں غی نشریات 14/16/20/22/24/26/27/28 تے 30 ستمبر 2024 نانہہ سویرے پونے 9 بجے نشر ویں گی۔ ان خصوصی پروگراموں مانہہ جموں صوبہ غا ہر ضلع غو مختصر تا ریخی، سیاحتی خلاصو پیش کیو جا ئے گو تانجے آکاشوانی جموں غا جموں صوبہ غا تمام 10 ضلعوں غا سامعین توڑی ضروری معلومات پچائی جا سکیں اور انہاں نانہہ با خبر رکھیو جا سکے۔

\*\*\*\*\*

#### Chess Olympics

پنتا لسوی (45) فائیڈ چیس مانہہ بھارت غی خواتین غی چیس ٹیم نے بڈا پیسٹ، ہنگری مانہہ جا تے روز سو یز لینڈ نانہہ 1/3 نال برا دتو ہے۔ آر ویشالی، دیویا دیش مکھ اور ونٹیکا اگروال نے سوئز لینڈ ور 1/3 نال جت درج کی جد کہ ڈی با ریکا نے ٹاپ بورڈ مانہہ شکست کھادی تھی۔ ڈی با ریکا غو مقابلو سابق عالمی وومن چمپئن الیگزینڈر کو سٹینوکا سنگ ہوؤ تھو۔ بھارتی خواتین غی چیس ٹیم نے اپنی 3 کھلاڑیاں غی شاندار کارکردگی غی وجہ نال فائیڈ چیس مانہہ اپنی پوزیشن بہتر کر لی ہے۔ اور اس جیت نال چیس المپیڈ مانہہ مشترکہ طور ور 6 پوائنٹاں غی سبقت حاصل کر لی ہے۔

\*\*\*\*\*